

Gaur ezagutuko da Cervantes literatur sariaren irabazlea

MADRIL

Gaur emango dute eza-gutza aurtengo Cervantes literatur sariaren irabazlearen izena. Sari ezagun honen aurtengo ediziorako 38 idazle aurkeztu dituzte. Beroien izenak hainbat erakunde eta pertsonalitatek aurkeztu ditzakete sarian.

Madrilen gaur ezagutza emango den literatur sari hau gaztelaniaz idazten duten idazleen artean banatzen den garrantzitsuena da. Sari honetan irabazleak 12 milioi pezeta (600.000 libera inguru) jasoko ditu.

Aurtengo ediziorako aurkeztu direnen artean idazle ezagunak aurki ditzakegu. Horien artean daude, besteak beste, Mario Vargas Llosa, Camilo Jose Cela, Mario Benedetti, Guillermo Cabrera Infante, Rosa Chacel, Miguel Delibes, Felix Grande eta Antonio Muñoz Molina.

Etzi jakingo dira Irun Hiria literatur sariaren garaileak

IRUN

Etzi ezagutuko dira Irun Hiria literatur sariaren irabazleen izenak. Egun horretan bilduko dira sari honetako epaimahaiak irabazleak zeintzuk izango diren erabakitzeko. Erabakia hartu ondoren egingo da irabazleen adierazpen publikoa. Euskaraz eta gaztelaniaz idatzitako elaberri, ipuin eta poesia hoberenak saritu ohi dira Irungo literatur lehiaketaren honetan.

Zortzietan Irungo udal-letxean egingo den ekitaldian irekiko dira sariaren irabazleen izena daramaten gutunak. Ekitaldi berdinean sari honetako iazko edizioan irabazle izan zirenei sariak banatuko zaizkie. Irungo Urrezko Gaztelua emango zaie oparitzat idazle saritu hauei.

Eki Europako lau musikari Nicanor Zabaletaren finalean

Abenduaren 4ean izango da Victoria Eugenia antzokian

Poloniako bi biolontxelo jole, Errusiako beste bat eta Ukrainiako biolinista bat aukeratu ditu Nicanor Zabaleta musika lehiaketako epaimahaiak datorren abenduaren 4ean Donostiako Victoria Eugenia Antzokian jokatu den finalean parte har dezaten. Irabazleak milioi t'erdi pezetako (75.000 libera) saria eskuratuko du.

DONOSTIA

Barbara Switalska eta Lukasz Szyner biolontxelo jole poloniarrek, Alina Komissarova biolin jole ukrainiarrek eta Emil Rovner biolontxelo jole errusiarrak hartuko dute parte Nicanor Zabaleta lehiaketaren seigarren edizioako finalean, epaimahaiak aditzera eman duenaren arabera. Victoria Eugenia antzokian izango da finala hilabete barru eta garaileak milioi t'erdi pezetako saria eskuratuko duen bitartean, milioi erdikoak jasoko dituzte gainerako hiru finalistek, guztiak ere Eki Europako musikariak.

Javier Bello-Portu orkestra zuzendariak, Varujan Cozighian Bilboko Sinfonikoko kontzertinoak, Francisco Esnaola musika kritikariak, Roman Jablonski biolontxelo joleak, George Nicolescu Euskadiko Sinfonikoko kontzertinoak eta Jaime Robles Espainiako Orkestra Nazonaleko kontrabaxuak osatu dute aurtengo epaimahaiak eta beraien esku geratuko da azken finaleko behin betiko erabakia.

Lau musikari finalistetatik bik Madrilen ikasten dutela nabarmendu dute antolatzaileek, «talentudun gazte ugari sortu duen Reina Sofia Musika Eskolan», hain zuzen. Barbara Switalska iaz sartu zen eskola horretan, esate baterako, eta bertan dihardu ordudanik Ivan Monighetti maisuaren agindura. Iaz lortu zuen bertan ikasle gisa sartzeara, hala-ber, Emil Rovner errusiarrak gazteei propio zuzendutako zenbait sari irabazi ondoren. Rovner ere Monighettiren ikasle da.



Szynerrek Poznaneko Filarmonikoarekin jo zuen hamar urterekin.

AURTENGO FINALISTAK

Barbara Switalska

● Wroclawen jaio zen duela hogeitau urte eskas eta sei besterik ez zituenen hasi zen biolontxelo ikasten bere herriko musika eskolan. Handik Varsovia aldera jo zuen eta St. Firlej maisuaren ikasketak egin zituen Poloniako hiriburuan 1984 eta 1990. urteen bitartean. Madrilera Reina Sofia Goi Mailako Musika Eskolan onartu zuten joan zen urtean eta bertan ikasten du momentu honetan Ivan Monighetti maisuaren agindura.

Lukasz Szyner

● Polonian jaio zen 1976. urtean. Gazte-gaztetatik matrikulatu zen Oinarrizko Kontserbatorioan, eta hamar urte zituela, Poznaneko Filarmonikoan jotzeko gonbitea egin zioten estreineko. Joan zen zen urteaz geroztik kontzertuak eskaintzen dihardu Poloniako zenbait kultur etxetan eta bakarrik ere aritu da Poloniako Filarmonikoa eta Capella Cracoviensis orkestrekin. Suedian eta Alemanian ere egona da eta aurren bigarren saria eskuratu zeun Elblageko lehiaketan.

Alina Komissarova

● Orain dela hemeretzi urte jaio zen Zapojie izeneko herriskan eta musikariz inguratutako familia baten erdian. Kieveko Lysenko musika eskolara joan zen zazpi urte besterik ez zituenen, eta bertan egon zen 11 urtez. Urte horretan Txaikovski Kontserbatorioan hasi zen ikasten Bogodar Kotorovix maisuaren agindupean. Ukrainiako Orkestra Sinfonikoarekin aritu da azken urteotan eta zenbait kontzertu grabatu du bertako telebistarako.

Emil Rovner

● Nizhni Novgorod izeneko herrian jaio zen 1975. urtean musikariz inguratuta. Bost urterekin hasi zen biolina jotzen ikasten eta zazpirekin biolontxelo jotzeari ekin zion. Errusiako hainbat herritan aritu da kontzertuak eskaintzen, Moskun bertan, besteak beste. Rovnerrek biolontxelo jole errusiar gazteen aurreneko saria irabazi zuen duela bi urte eta azken urte hauetan bakarka ibili da Mosku, Londres eta Madrilera tokirik ezagunetan.

LABURREAN

BAJO Ullloak Onda saria irabazi du zinema sailean

Juanma Bajo Ulloa gasteiztarren 'Alas de mariposa' filmeak Zinemako Onda saria jasoko du epaimahaiakideek atzo goizean eman zuten erabakiaren arabera. Bajo Ulloarekin batera, Pilar Miro 'Beltenebros' pelikulako zuzendaria, eta 'Amo tu cama rica' komediako aktore gazteak (Ariadna Gil eta Pere Ponce) saritu ditu berrogei Radio Barcelona irratiak.

SAENZ de Heredia zinemagile espainiarra hil da

Jose Luis Saenz de Heredia zinema zuzendari espainiarra atzo eguerdian hil zen Madrilen bihotzekoak jota, biriketako edema baten ondorioz ospitalean sartu eta handik ordu erdira. Zinemagile madrildarra Luis Buñuelekin hasi zen lanean Espainiako II. Errepublikaren garaian, baina Gerra Zibila bukatu arte ez zuen famarik tortu. Komedia espainiar folklorikoa eta jenero historikoan trebatu zen bereziki, beti ere erregimen frankistaren zerbitzura, eta Espainiako zinemagile ofiziala izan zen berrogeiko eta 50eko hamarkaden inguruan.

MASTROIANI: «Putagarestia besterik ez da aktorea»

Marcello Mastroiani aktore italiarrak «aktorea prostituta garesti baten antzekoa» dela aitortu du, «guztiak begira diezaioetela, estatzen baitaio». Mastroianiren ustez, begiratua sentitzeak «egundoko zirrara eragiten du, maitasunak berak sortutakoa baino gogorragoa». «Antzeztea joko sentsuala» dela gaineratu zuen aktoreak Maria Luisa Bemberg zuzendari argentinarrarekin oraintsu errodatzen ari den filmearen eten batean.

IRAGARKI MERKEAK (943) 46 90 22

Pertsona bat behar da pisu bat osatzeko
TEL: 645171 HONDARRIBIA

IRAGARKI MERKEAK
(943)469022

31 x 10 mm

EGUN BAT 480pta/211
ASTEBETE 2.400 pta/1041
BI ASTE 4.100 pta/1801
HILABETE 6.300 pta/2751

31 x 15 mm

EGUN BAT 960 pta/421.
ASTEBETE 4.750 pta/2081.
BI ASTE 8.300 pta/3601.

31 x 33 mm

31x33
MODULO
EGUN BAT 1.925 pta/841
ASTEBETE 9.550 pta/4161
BI ASTE 16.550 pta/7201
HILABETE 23.250 pta/1.0101

31 x 33ko
BI MODULO

EGUN BAT 3.850 pta/1681
ASTEBETE 19.100 pta/8321
BI ASTE 33.100 pta/1.4401
HILABETE 46.500 pta/2.2001

31 x 33ko
LAU MODULO

EGUN BAT 7.725 pta/3361
ASTEBETE 38.300 pta/1.6641
BI ASTE 66.250 pta/2.8801
HILABETE 92.900 pta/4.0401